

Qitiusumik ilinniarfiit aqunneqarnerat pillugu Namminersornerullutik Oqartussat nalunaarutaat

Inuussutissarsiutitigut ilinniartitaaneq, ilinniagaqarnermut tapiissutit inuussutissarsiutinullu tunngasunik siunnersuineq pillugit Inatsisartut peqqussuttaanni nr. 16-imi, 28. oktober 1993-imeersumi § 1, imm. 4 naapertorlugu makku aalajangersarneqarput:

Kapitali 1.

Kultureqarnermut, Ilinniartitaanermut Ilageeqarnermullu Pisortaqarfik

§ 1. Kultureqarnermut, Ilinniartitaanermut Ilageeqarnermullu Pisortaqarfimmit, kinguliini

Pisortaqarfimmik taagorneqartumit, qitiusumik ilinniarfiit aammalu inuussutissarsiutinut ilinniartitaanermi ilinniartut pillugit suliassaqarfiit aningaasatigut, inatsisilerinikkut, allaffitsigut aqutsinikkut pilersaarusiornikkullu qitiusumik ingerlanneqarnerat isumagineqassaaq.

§ 2. Pisortaqarfiup qitiusumik ilinniartitaanermi ataatsimiititaliap inassuteqarnera naapertorlugu ilinniakkami ataatsimi taassumaluunniit ilaani, aammalu ilinniartitaanerit ataasiakkaat sammiviillu ataasiakkaat ingerlanneqarnerini atuaqatigiit ikinnerpaaffissaat aalajangersartassavai.

§ 3. Pisortaqarfiup ukiut tamaasa inuussutissarsiutitigut ilinniartitaanermi ilinniartussatut tiguneqarnissamik qinnuteqarnermi piffissarititaasut kingulliit periusissallu pillugit paasissutissiinerit pisariaqartinneqartut aallartittassavai.

§ 4. Pisortaqarfiup inuussutissarsiutitigut ilinniartitaanerni ilinniartut atuarnerminni Kalaallit Nunaanniinngitsut siulersorneqarnerat isumagissavaa. Pisortaqarfik tamatuma oqartussaaffiginissaanut qitiusumik ilinniarfinni sinniisuutitaqarsinnaavoq.

Kapitali 2.

Qitiusumik ilinniarfiit pillugit siunnersuisoqatigiit

§ 5. Qitiusumik ilinniarfiit pillugit siunnersuisoqatigiit qitiusumik ilinniarfinni pisortaasunit aammalu qitiusumik ilinniartitaanermi ataatsimiititaliat siulitaasuinit ilaasortaqartut pilersinneqassapput. Siunnersuisoqatigiit inuussutissarsiutitigut ilinniartitaanernut aammalu inuussutissarsiutitigut pikkorissarnernut apeqqutit tamanut atuuttut aammalu apeqqutit immikkoorutillit siunnersuisuuffiginissaat suliassaraat.

Imm. 2. Pisortaqarfiup qitiusumik ilinniarfinnut siunnersuisoqatigiit ataatsimeeqataasartussanik ilasinnaavai.

Imm. 3. Pisortaqarfik qitiusumik ilinniarfinnut siunnersuisoqatigiinnut allattoqarfussaaq.

Imm. 4. Pisortaqarfik qitiusumik ilinniarfinnut siunnersuisoqatigiit suliassaannut sulinissaannullu malittarisassanik aalajangersaasinnaavoq.

Kapitali 3.

Qitiusumik ilinniartitaanermut ataatsimiititaliaq

§ 6. Pisortaqarfiup ilinniagassat imminnut assingusut annertunerusut iluanni qitiusumik ilinniartitaanermut ataatsimiititaliamik pilersitsinissaq akisussaaffigaa.

Imm. 2. Qitiusumiuk ilinniartitaanermut ataatsimiititaliaq tallimaniit qulinut ilaasortaqarpoq.

Pisortaqarfiup qitiusumik ilinniartitaanermut inassuteqarneratigut atuarfimmi qitiusumik ilinniartitaanermi ataatsimiititaliamut kikkut ilaasortaatitaqarnissaat aalajangissavaa. Sulinerimik inuussutissarsiutillit kattuffii aammalu sulisitsisut kattuffii suliamut tunngassuteqartut isumaqatiginninniarsinnaatitaasullu kiisalu pisortani oqartussaasut suliamut attuumassuteqartut peqatigiiffillu qitiusumik ilinniartitaanermi ataatsimiititaliami sinniisuutitaqassapput. Qitiusumik ilinniartitaanermi ataatsimiititaliaq ataatsimeeqataasussanik ilassusiisinnaavoq.

Imm. 3. Ilaasortat ilinniakkap ineriartuaarneranik ilisimaarinnilluartuussapput.

Imm. 4. Ilaasortat susassaartunit imm. 2 naapertorlugu Pisortaqarfiup akuersissutigisimasaanit toqqarneqartassapput. Piffissamut ukiunik sisamanik sivisussusilimmut toqqaasoqartassaaq. Siullermik piffissami 1. august 1999-imiit 31. juli 2003-mut. Toqqagaaqqittoqarsinnaavoq.

§ 7. Qitiusumik ilinniartitaanermut ataatsimiititaliaq toqqaaqqaarnerup kingornatigut ataatsimiinnermi siullermi siulittaasulerluni siulittaasullu tullilerluni inissitsitissaaq.

Imm. 2. Pisortaqarfiup ataatsimiititaliap suleriaasissaanut najoqqutassiaq, aammattaaq ilaasortalersugaaneranut suliaasnullu killissarititanik imaqartoq suliarissavaa. Qitiusumik ilinniartitaanermi ataatsimiititaliaq ataatsimiititaliap suleriaasissaanut siunnersuusiussaaq Pisortaqarfimmit akuerineqartussanik.

Qitiusumik ilinniartitaanermut ataatsimiititaliap suliaasai

§ 8. Qitiusumik ilinniartitaanermi ataatsimiititaliap inuussutissarsiutitigut ineriartorneq aammalu ataatsimiititaliap suliaasaqarfata iluani ineriartorfusinnaasut malinnaaffigissavai pisariaqartitsinerlu naapertorlugu ilinniartitaanerit nutaat pilersinnissaannut, allanngortiternissaannut kiisalu atorunnaarsinnissaannut suliniuteqartassalluni.

Imm. 2. Qitiusumik ilinniartitaanermi ataatsimiititaliap ilinniartitaanerit ilusilersortuarnissaat aaqqissuuttuarnissaallu, taamaalilluni ilinniartitaanerup qaffasissusiata qitiusumik ilinniartitaanerup ineriartortinneqarneranut naleqqiulluni tunngavigineqarnissaa aammalu naammalluinnartuunissaa isumagissavai.

Imm. 3. Qitiusumik ilinniartitaanermi ataatsimiititaliap ukiumi tulluuttumi ilinniartitaanermi suliaasaasa aaqqissuunneqarnerat Pisortaqarfimmut akuerisassanngorlugu innersuussutigisassavaa. Inassuteqarneq ilinniartitaanermi forstanderiata siunnersuuteqarneratigut pisassaaq.

§ 9. Qitiusumik ilinniartitaanermi ataatsimiititaliap suliamik misiliiiffusuni ilinniagassanut tunngasut sapinngisamik pitsaanerpaanissaat suliarissavaa.

Imm. 2. Qitiusumik ilinniartitaanermi ataatsimiititaliap suliffeqarfinnik attaveqarnikkut sulissutigisassavaa suliammik misiliiiffissat ilinniartut ilinniagassaminnik kissaatigisaannik siunissamilu suliffeqarnikkut periarfissatut naatsorsuutigineqartunik naliliineq aallaavigalugit amerlassusilerneqartut pissarsiarineqarnissaat sulissutigissallugulu sungiusarluni suliffissaasinnaasut suliffeqarfiup angissusia teknikikkullu ineriartornera eqqarsaatigalugit tamatigoortuussasut.

§ 10. Qitiusumik ilinniartitaanermi ataatsimiititaliap Pisorta qarfimmu makku inassutigisassavai:

1) Ilinniartitaanernut ataasiakkaanut tamanut ilinniartitsissutissat pilersaarusiornert.

Ilinniartitsissutissat pilersaarusiornert ilinniakkap siunertaata imaatalu, sivisussusiata katitigaaneratalu allaaserineqarnerannik imaqassaaq, tamatumani ilanngullugu ilinniartitaanermi tamarmiusumi atuafup najugaqarfissap sumi inissinneqarsimanera.

2) Suliffimmik misiliiffiusuni sungiusarnissamut maleruagassat.

3) Misilitsinnermut nalilersuinnermi pilersaarusiata maleruagassallu.

4) Suliffiit misiliiffiusussat akuersissutigineqarnissaannut maleruagassat.

5) Ilinniarfup suliaqarfata iluani ilinniartitsinnermi nutaanik aallartitsineq.

6) Ilinniarfup suliaqarfata iluani ilinniaqqiffissanik ingerlaqqillunilu ilinniarfissanik kiisalu allatut atuaqqiffissanik aallartitsinerit.

Kapitali 4.

Qitiusumik ilinniarfiit

§ 11. Qitiusumik ilinniarfik forständerimit Pisorta qarfimmu toqqarneqartumut siulersorneqassaaq.

Imm. 2. Forständeri atuafimmi suliaassanut, allaftitsigut siulersuinnermut aningaasaqarnermullu akisussaavoq.

Imm. 3. Forständeri ukiumi qaangiuttumi atuafup suliarisimasai pillugit qitiusumik ilinniartitaanermi ataatsimiititaliamut allakkatigut ukiumoortumik nalunaarusiortassaaq.

Qitiusumik ilinniarfup suliaasai

§ 12. Qitiusumik ilinniarfup inuussutissarsiutitigut ilinniartitaanermi ilinniarfup suliaasaqarfata iluani suliniuteqarnerit Pisorta qarfimmu akuersissutigineqartut isumagissavai. Tamatumunnga atatillugu ilinniarfup makku suliarissavai:

1) Inuussutissarsiutitigut ilinniartitaanerit taakkunungaluunniit ilaatinneqartut Pisorta qarfimmu akuersissutigineqartut naammassissallugit. Qitiusumik ilinniartitaanermi ataatsimiititaliaq suleqatigalugu ilinniartitaanerit imaat aqqissuuttassallugit, tamatumani ilanngullugit ilinniagassat pilersaarusiorneri, siunnersuusiornert aammalu ilinniarfusup ingerlanera tamaat atuartitsinnermi atortussat suliarinissat.

2) Ilinniartitsinerit nutaat siunnersuusiortassallugit aammalu ilinniartitsinerit pioreersut misissuiffigeqqittassallugit.

3) Ingerlaqqilluni pikkorissartitsinerit pikkorissartitseqqinnerillu siulersussallugit naammassissallugillu.

4) Najukkani inuussutissarsiutinut ilinniarfinnut Pisorta qarfimmullu ilinniakkat pillugit siunnersortaasassalluni.

5) Ilinniarfup ilinniartuunut ilinniartitaanikkut inuussutissarsiutitigullu siunnersuineq isumagissallugu.

6) Pisorta qarfup erseqqinnerusumik innersuussineri malillugit suliaassat pisariaqartinneqartut inuussutissarsiutitigut ilinniartitaanermu attuumassuteqartut isumagissallugit, tamatumani ilanngullugit STI-ni aqutsinikkut suliaassat.

§ 13. Qitiusumik ilinniarfik qitiusumik ilinniartitaanermi ataatsimiititaliamut ataatsimiititalianulluunniit ilinniarfimmi ilinniartitaanernut attuumassuteqartunut allattoqarfiuvoq.

Kapitali 5.

Ilinniartitsisut siunnersuisoqatigiivi

§ 14. Qitiusumik ilinniartitsisut tamaginni ilinniartitsisut siunnersuisoqatigiivi pilersinneqassapput.

Ilinniartitsisut siunnersuisoqatigiivi fortanderimik, inspektørinik faginullu ilinniartitsisunik tamarmik aalajangersimasumik atorfeqartunik inuttaqassaaq.

§ 15. Ilinniartitsisut siunnersuisoqatigiivi ilinniagassanik aalajangersimasunik ilinniartitsisut aalajangersimasumik atorfeqartut akornanni namminneq siulittaasussaminnik qinersissapput. Qinersineq ukiumoortumik qaammatip septemberip naannginnerani pisassaaq ukiullu atuartsiviusup sinneranut atuuttassalluni. Qinigaaffiup nalaani siulittaasoq tunuarpat, ukiumut atuartsiviusumut sinneruttumut qinerseqqittoqassaaq.

§ 16. Ilinniartitsisut siunnersuisoqatigiivisa sulinissaminnut malittarisassat namminneerlutik aalajangersartassavaat.

§ 17. Ilinniartitsisut siunnersuisoqatigiivinut ilaasortat ilinniartitsisut siunnersuisoqatigiivisa ataatsimiinneranni pinngitsoorati najuuttussaataapput.

Kapitali 6.

Ilinniagaqartut siunnersuisoqatigiivi

§ 18. Qitiusumik ilinniartitsisut tamaginni ilinniagaqartut siunnersuisoqatigiivi pilersinneqartassapput.

Imm. 2. Ilinniagaqartut siunnersuisoqatigiivini ilaasortat tassaassapput ilinniartitsisut klassit, holdit, ukiumi ataatsikkut aallartittut, ilinniakkat, ilinniakkat iluini sammiviit assigiinngitsut allatulluunniit naleqquttumik agguataarinerni ataasiakkaani atuartut sinniisaat. Ilinniagaqartut siunnersuisoqatigiivisa siulittaasoq taassumalu tullissaa namminneq iluminni qinissavaat.

Imm. 3. Pisortaqaarfik ilinniagaqartut siunnersuisoqatigiivinik qinersinissamut malittarisassanik aalajangersaasinnaavoq.

§ 19. Apeqqutini tamanut attuumassuteqartuni ilinniagaqartut siunnersuisoqatigiivi ilinniartitsisut siulersuisuinut ilinniartitsisuinullu ilinniartut sinnerlugit saqqummertassapput, taakkualu kissaateqarneri naapertorlugit suliaasani aalajangersimalluinnartuni ikiortassallugit.

Imm. 2. Ilinniagaqartut siunnersuisoqatigiivisa suleriaasissatik namminneq aalajangersassavaat. Forständerip suleriaasissat akuersissutigissavai.

Kapitali 7.

Atortuulersitsinermi atorunnaarsitsinermilu malittarisassat

§ 20. Nalunaarut 1. januar 1999 atortuulersinneqarpoq.

Imm. 2. Tamatumunnga peqatigitillugu inuussutissarsiornermi ilinniartitaanerup siulersorneqarnissaanik nalunaarummi nr. 20, 27. maj 1991-imeersumi aalajangersakkat makku atorunnaarsinneqarput:

1) §§ 1 - 4 aamma §§ 24 - 31 qitiusumik ilinniartitaanerumut ataatsimiititalianut qitiusumillu ilinniartinnut tunngatillugu atorunnaarsinneqarput.

2) §§ 5 - 14 atorunnaarsinneqarput.

Namminersornerullutik Oqartussat, ulloq 19. november 1998..

Konrad Steenholdt

/

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut